



Broj: 04-40-1-195/25
Sarajevo, 15.07.2025. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 14.07.2025. do 08:30 sati 15.07.2025. godine

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 12 manjih intervencija i to: 2 intervencije na gašenju zapaljenog automobila, 3 intervencije na gašenju zapaljenog niskog rastinja i 7 obezbjeđenja (jedno obezbjeđenje manifestacije i 6 pretakanje goriva na Međunarodnom aerodromu Sarajevo).

Općinski operativni centar civilne zaštite Stari Grad: Općinski štab civilne zaštite Stari Grad organizovao je 24-satno osmatranje terena na ugroženim područjima od klizišta, lokalitetima Curine njive, Knjeginjac i Bistrički potok u cilju osiguranja provođenja pravovremenih mjera zaštite stanovništva (pravovremenog upozoravanja i evakuacije, ukoliko to situacija bude zahtijevala) i infrastrukture. Uposlenici Službe civilne zaštite Općine Stari Grad Sarajevo, terenskim obilaskom navedenih lokacija dana 14.07.2025. godine, utvrdili su sljedeće stanje:

1. Curine njive (Opština Istočni Stari Grad i Općina Stari Grad Sarajevo – Bostarići):

Stanje redovnim obilaskom lokaliteta tokom dana i u noćnim satima, utvrđeno je sljedeće stanje: Ustanovljeno je da nema novih pukotina, međutim na postojećim starim pukotinama primjetna je blaga erozija, što ukazuje na spor, ali kontinuiran proces slabljenja tla. I dalje je vidljivo prisustvo vode koja dolazi iz tri pravca podnožja deponije i sliva se u postojeći drenažni kanal. Na površini igrališta trenutno nema zadržavanja površinske vode, što je pozitivan pokazatelj s obzirom na vremenske uslove. Međutim, u donjem dijelu terena, ispod igrališta, tlo je i dalje konstantno vlažno i blatnjavo, što predstavlja rizik od destabilizacije zemljišta, naročito u slučaju novih padavina. Također, iznad rasadnika, primijećeno je prisustvo vode u zemlji i vidljiva vlaga, što ukazuje na zasićenost tla. U ulici Ablakovina čikma na br. 21 prijavljeno je da se iza stambenog objekta pojavila voda. neposredno iznad drenažnog kanala, a zidovi su vidno vlažni.

Ocjena rizika: Lokalitet je ocijenjen kao uslovno kritičan zbog geoloških procesa, te zahtijeva kontinuiran nadzor.

2. Knjeginjac (Opština Istočni Stari Grad):

Na lokalitetu deponije Knjeginjac nisu zabilježene veće promjene u odnosu na prethodne dane. Vizuelnim pregledom ustanovljeno je da u rigolu iznad ceste nema prisustva vode. Takođe, nisu uočena nova dovlačenja zemljanog ili drugog materijala na deponiju. U donjem dijelu deponije i dalje je prisutna veća količina vode, u vidu plavnih površina i područja s blatnjavim tlom, što ukazuje na zadržavanje oborinskih voda i eventualno otežano oticanje. Ovo stanje zahtijeva dalji nadzor, posebno u kontekstu potencijalnog uticaja na stabilnost terena i mogućeg širenja vlažnih zona. Preporučuje se redovno praćenje stanja tla i drenaže, uz razmatranje dodatnih mjera za stabilizaciju donjih zona deponije.

Ocjena rizika: Slijeganje deponijskog materijala i erozija uslijed atmosferskih uticaja.

3. Bistrički potok (Općina Stari Grad Sarajevo – Boguševac i Opština Istočni Stari Grad):

Obilaskom lokaliteta Bistričkog potoka utvrđeno je da nema značajnijih promjena u odnosu na prethodna zapažanja. Na lokalitetu Bistričkog potoka, stanje toka između Boguševca i Latinske ćuprije je stabilno, bez zastoja u protoku vode, i korito je u tom dijelu prohodno. Dotok iz pravca Trebevića je vrlo slab, gotovo neprimjetan, što ukazuje na manji dotok oborinskih ili izvorskih voda iz tog smjera. Kod mosta na Boguševcu primijećen je preliv iz rezervoara, koji se ulijeva u korito potoka i trenutno protiče srednjim kapacitetom.

Međutim, u gornjem dijelu potoka, koji administrativno pripada općini Istočni Stari Grad, i dalje su prisutna oborena stabla i stijene koje se nalaze direktno u koritu, naročito ispod objekta u izgradnji "Trebević Hills". Ova prepreka predstavlja realnu opasnost od zastoja protoka i mogućeg nagomilavanja vode, naročito u slučaju intenzivnijih padavina, što može dovesti do lokalnog izlivanja potoka.

Ocjena rizika: Povećana opasnost od plavljenja u slučaju obilnih padavina, akumulacija nanosa uzvodno od začepljenja, u slučaju obilnih padavina mogućnost erozije obale uslijed promijenjenog toka vode.

4. Evakuacija stanovništva sa ugroženih područja:

Na osnovu Naredbi Štaba civilne zaštite Kantona Sarajevo (br. 08-40-1128-2/24 od 01.11.2024. godine i br. 08-40-1128-2.1/24 od 20.11.2024. godine), kao i Planova evakuacije Općine Stari Grad Sarajevo, Služba civilne zaštite redovno obilazi naselja Bostarići, Ablakovina i Ablakovina čikma.

U toku su procjene rizika i pripreme za eventualno izmještanje stanovništva u sigurnije objekte, koje će osigurati Općina Stari Grad Sarajevo.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

JU Zavod za javno zdravstvo Kantona Sarajevo: Broj oboljelih u Kantonu Sarajevo od Leptospiroze, na dan 14.07.2025 godine, prikazan je sljedećoj tabeli:

Ukupan broj oboljelih od Leptospiroze u Kantonu Sarajevo - Stanje na dan: 14.07.2025. godine	Broj prijavljenih slučajeva Leptospiroza po općinama							
	Novi Grad	Centar	Ilidža	Stari Grad	Novo Sarajevo	Ilijaš	Vogošća	Hadžići
112	76	11	9	6	7	1	1	1

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 20°C, vlažnost zraka 92%, barometarski pritisak 946,0 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a